

BAB V

KACINDEKAN JEUNG RÉKOMÉNDASI

5.1 Kacindekan

Dumasar kana hasil panalungtikan jeung analisis data dina bab opat ngeunaan kaéfektifan modél *Mind Mapping* dina ngaronjatkeun kamampuh nulis résensi novél siswa kelas XI IPS 2 SMA Laboratorium (Percontohan) UPI taun ajaran 2012/2013, bisa dicindekkeun saperti ieu di handap:

- 1) Kamampuh nulis résensi novél siswa kelas XI IPS 2 SMA Laboratorium (Percontohan) UPI taun ajaran 2012/2013 saméméh ngagunakeun modél *Mind Mapping*, hasilna can nyugemakeun atawa kurang tina KKM anu geus ditangtukeun. Hal ieu katitén tina skor rata-rata aspék idéntitas novél nya éta 10,88; skor rata-rata pembahasan umum nya éta 11,42; skor rata-rata aspék penilaian novél nya éta 3,42; skor rata-rata aspék saran jeung koméntar nya éta 2,85; skor rata-rata aspék téhnik panulisan nya éta 3,04; skor rata-rata aspék gaya: pilihan struktur jeung kosa kata nya éta 10,08; skor rata-rata aspék éjahan nya éta 3,69. Kalayan, rata-rata penteun 45,38.
- 2) Kamampuh nulis résensi novél siswa kelas XI IPS 2 SMA Laboratorium (Percontohan) UPI taun ajaran 2012/2013 sabada ngagunakeun modél *Mind Mapping*, hasilna nyugenakeun atawa geus bisa ngahontal KKM anu geus ditangtukeun. Hal ieu katitén tina rata-rata skor tina aspék idéntitas novél nya éta 12,92; pembahasan umum nya éta 13,23; penilaian novél nya éta 13,50; saran jeung koméntar nya éta 7,54; téhnik panulisan nya éta 4,12; gaya: pilihan struktur jeung kosa kata nya éta 11,81; éjahan nya éta 4,08. Kalayan, rata-rata peunteun 67,19.
- 3) Tina hasil pratés, postés, jeung uji gain tépéla modél *Mind Mapping* éfektif pikeun ngaronjatkeun kamampuh nulis résensi novél siswa kelas XI IPS 2 SMA Laboratorium (Percontohan) UPI taun ajaran 2012/2013. Ieu hal dibuktikeun ogé tina uji hipotésis anu ngahasilkeun $t_{itung} > t_{tabéi}$, nya éta 19,46

> 2,46 bisa dicindekkeun yén hipotésis kerja (H_a) ditarima jeung hipotésis nol (H_0) ditolak. Hartina, modél *Mind Mapping* bisa ningkatkeun kamampuh nulis résensi novél.

5.2 Rékoméndasi

Sabada dilaksanakeun panalungtikan ngeunaan nulis résensi novél ngagunakeun modél *Mind Mapping*, aya sababaraha rékoméndasi anu baris ditepikeun, ieu di handap:

- 1) Tina hasil panalungtikan modél *Mind Mapping* bisa ningkatkeun kamampuh nulis résensi novel. Ku kituna, ieu modél pangajaran bisa dijadikeun salah sahiji alternatif pikeun guru dina pangajaran nulis résensi novél.
- 2) Pikeun leuwih ngabuktiikeun kaéfektifan modél *Mind Mapping* dipiharep aya panalungtikan dina materi pangajaran lianna.